

**ხელშეკრულება საქონლის შესყიდვის შესახებ #**

60-4-219 2112

ქ. თბილისი

2019 წ. 01.10.

**I. მხარეები**

წინამდებარე ხელშეკრულება დადებულია 2019 წლის 01.10., ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი მმართველთა საბჭოს წევრის დავით ვარდიაშვილის სახით (მინდობილობა N181378706) (შემდგომში – „შემსყიდველი“) და მეორეს მხრივ შპს „ჯითიეს ელექტრონიქსი“-ს (შემდგომში – „მიმწოდებელი“) შორის, წარმოდგენილი გენერალური დირექტორის დავით ქოჩიაშვილის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

**II. ხელშეკრულების საგანი**

- 2.1. „მიმწოდებელი“ ვალდებულია „შემსყიდველს“ მიაწოდოს აკუმულატორები დანართი №1-ის (ფასების ცხრილი) შესაბამისად. CPV კოდი შესყიდვის ობიექტების მიხედვით: **31400000**.
- 2.2 დანართი №1 წარმოადგენს წინამდებარე ხელშეკრულების განუყოფელ ნაწილს.

**III. საქონლის ღირებულება და ანგარიშსწორების პირობები**

- 3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს **500 (ხუთასი) აშშ დოლარი** დღგ-ს ჩათვლით (შემდგომში – „ხელშეკრულების ღირებულება“).
- 3.2 ანგარიშსწორება განხორციელდება ლარში, გადახდის დღეს საქართველოს ეროვნულ ბანკში დაფიქსირებული გაცვლითი კურსის შესაბამისად, ფაქტიურად მიწოდებულ საქონელზე გაფორმებული მიღება-ჩაბარების აქტის და სათანადო ანგარიშფაქტურის წარმოდგენიდან 8 (რვა) სამუშაო დღის განმავლობაში.
- 3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია შემსყიდველის წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;
- 3.4 ანგარიშსწორება განხორციელდება ლარებში, გადახდის დღეს საქართველოს ეროვნულ ბანკში დაფიქსირებული გაცვლითი კურსის შესაბამისად, უნაღდო ანგარიშსწორების ფორმით.

**IV. მხარეთა უფლება-მოვალეობები**

- 4.1. „მიმწოდებელი“ მოვალეა:
  - 4.1.1. გადასცეს „შემსყიდველს“ ნივთობრივად და უფლებრივი ნაკლისაგან თავისუფალი საქონელი.
  - 4.1.2 საქონლის ტრანსპორტირება, ჩამოტვირთვა და დასაწყობება „მიმწოდებლის“ ვალდებულებაა.
- 4.2. „შემსყიდველი“ მოვალეა:
  - 4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;
  - 4.2.2 შეამოწმოს საქონლის მდგომარეობა ვარგისიანობაზე;
  - 4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

## V. საქონლის მიწოდების ვადა და ადგილი

5.1 წინამდებარე ხელშეკრულებით განსაზღვრული საქონლის მიწოდების ვადაა ხელშეკრულების გაფორმებიდან 15 კალენდარული დღე.

5.2 „მიმწოდებელმა“ ხელშეკრულებით განსაზღვრული საქონლის მიწოდება უნდა განახორციელოს მისამართზე: ქ. თბილისი, ქინძმარაულის #29, სს„სსე“-ს მატერიალურ ტექნიკური ბაზა.

5.3 საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა)

## VI. საგარანტიო ვადა

6.1 წინამდებარე ხელშეკრულების დანართ #1-ში წარმოდგენილი საქონლის საგარანტიო ვადაა მიღება-ჩაბარების აქტის გაფორმებიდან 1 წელი.

6.2 საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია „შემსყიდველის“ წერილობითი შეტყობინების მიღებიდან 5 (ხუთი) სამუშაო დღის განმავლობაში გამოასწოროს ხარვეზი. თუ ეს შეუძლებელია, „მიმწოდებელმა“ 15 კალენდარული დღის ვადაში უნდა შეცვალოს საქონელი.

## VII. მხარეთა პასუხისმგებლობა

7.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 ამ ხელშეკრულების 7.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორობს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით შენახვის და ვარგისიანობის პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

7.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 7.2 პუნქტით გათვალისწინებული პირგასამტეხლოს დარიცხვის საფუძველი.

## VIII. ხელშეკრულების შესრულების კონტროლი

8.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

8.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ საწარმოო ტექნიკური და დაგეგმარების სამსახურის უფროსი გოჩა გამხუაშვილი და ქვესადგურების ექსპლუატაციის უფროსი ინჟინერი თორნიკე ოდიშარია.

8.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

### **IX. ფორს-მაჟორი**

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

### **X. ურთიერთობა მხარეებს შორის**

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

### **XI. ხელშეკრულების პირობების შეცვლა და/ან ვადამდე მოშლა**

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ „მიწოდებლის“ მიერ მოწოდებული ინფორმაცია ყალბი აღმოჩნდება; რაც წარმოადგენს „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიწოდებელს“ ფაქტიურად მიწოდებული საქონლის ღირებულება.

## **XII. ხელშეკრულების შესრულების შეფერხება**

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## **X III. დავათა განხილვა**

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგინდეს წესით მიმართოს სასამართლოს.

## **X IV. შესყიდვის ობიექტის მიღება-ჩაბარების წესი**

14.1 საქონლის მოწოდებისას „შემსყიდველის“ მიერ წინამდებარე ხელშეკრულების 8.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიწოდებელს“ შორის.

14.2 მიღება-ჩაბარების აქტზე ხელმოწერ პირად განისაზღვრა მმართველთა საბჭოს წევრი ვახტანგ ქინქლაძე.

14.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

## **X V. ხელშეკრულების მოქმედების ვადები**

15.1. ხელშეკრულება ძალაში შედის მხარეთა მიერ ხელმოწერისთანავე.

15.2 ხელშეკრულების მოქმედების ვადა ამოწურულად ჩაითვლება მხარეებს შორის ხელშეკრულებით გათვალისწინებული პირობების შესრულებისთანავე, მაგრამ არაუგვიანეს 2019 წლის 31 დეკემბრის ჩათვლით. ხოლო საგარანტიო ვალდებულებების ნაწილში საგარანტიო ვადის ბოლომდე.

## XVI. ხელშეკრულების სხვა პირობები

16.1 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

16.2 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

16.3 წინამდებარე ხელშეკრულება დაიდო „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის ბ) ქვეპუნქტის, სსიპ სახელმწიფო შესყიდვების სააგენტოს თავმჯდომარის 17.08.2015წ #13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-3 მუხლის „ბ“ ქვეპუნქტის და მე-5 მუხლის მე-6 პუნქტის შესაბამისად..

## XVII. მხარეთა რეკვიზიტები

### „შემსყიდველი“:

სს „საქართველოს სახელმწიფო  
ელექტროსისტემა“  
ქ. თბილისი, ბარათაშვილის ქ. 2  
საიდ. კოდი: 204995176  
სს „თი ბი სი ბანკი“  
ბანკის კოდი: TBCBGE 22  
ა/ა # GE02TB0600000102467636

დავით ვარდიაშვილი  
მმართველთა საბჭოს წევრი

### „მიმწოდებელი“:

შპს „ჯითიეს ელექტრონიქსი“  
ტელ: 2 710800  
ქ.თბილისი, მოსკოვის გამზ.#35  
ს/კ 205029351  
ს.ს. "ვითიბი ბანკი ჯორჯია"  
ბანკის კოდი: UGEBGE22  
ა/ა # GE28VT0400108014803602

დავით ქოჩიაშვილი  
გენერალური დირექტორი

**ხელშეკრულების დანართი №1,  
ფასების ცხრილი**

№	საქონლის დასახელება	განზ. ერთეული	რაოდენობა	ერთეულის ღირებულება აშშ დოლარი დღგ-ს ჩათვლით	ჯამური ღირებულება აშშ დოლარი დღგ-ს ჩათვლით
1	2	4	5	6	7
1	აკუმულატორი 100ა/სთ RITAR	ცალი	2	250	500
	სულ ჯამი დღგ-ს ჩათვლით				500

ხელშეკრულების საერთო ღირებულებაა 500 (ხუთასი) აშშ დოლარი დღგ-ს ჩათვლით

„შემსყიდველი“:

სს „საქართველტრას სახელმწიფო

ელექტრატრანსტემა“

დავით ვარდრაშვილი

მმართველთა ხაზჭოს წევრი

„მიმწოდებელი“:

შპს „ჯითიეს ელექტრონიკსი“

დავით ქოჩიაშვილი

გენერალური დირექტორი

სს „სსე“-სათვის სააკუმულატორო ბატარეების შესყიდვაზე „მიმწოდებელი  
შპს „ჯითიეს ელექტრონიქსი“  
ინფორმაცია ინტერესთა კონფლიქტის არარსებობის შესახებ

ჩვენ ქვემოთ ხელის მომწერნი ვადასტურებთ, რომ ჩვენი მონაწილეობა („მიმწოდებელი“ შპს „ჯითიეს ელექტრონიქსი“) სს „საქართველოს სახელმწიფო ელექტროსისტემისათვის“ აკუმულატორების გამარტივებულ შესყიდვაზე, არ ეწინააღმდეგება საქართველოს კანონის „სახელმწიფო შესყიდვების შესახებ“ მე-8 მუხლით „ინტერესთა კონფლიქტის თავიდან აცილების პირობებით“ გათვალისწინებულ მოთხოვნებს:

დავით ვარდიაშვილი  
მმართველთა საბჭოს წევრი

მამუკა სხილაძე  
მმართველთა საბჭოს წევრი

ვახტანგ ქინქლაძე  
მმართველთა საბჭოს წევრი

დავით გოლოშვილი  
იურიდიულ საკითხთა და სემეკთან ურთიერთობის დეპარტამენტის უფროსი

მურთაზ სიჭინავა  
შესყიდვების დეპარტამენტის უფროსი

ლაშა შენგელია  
შესყიდვების დეპარტამენტის უფროსის მოადგილე

ზვიად იმნაიშვილი  
საფინანსო დეპარტამენტის უფროსი

ნინო მაისურაძე  
მთავარი ბუღალტერი

მანანა ამაღლობელი  
შესყიდვების სამსახურის უფროსი

გიორგი თათილაშვილი  
შესყიდვების სამსახურის უფროსის მოადგილე

გოჩა გამხუაშვილი  
საწარმოო ტექნიკური და დაგეგმარების სამსახურის უფროსი

თორნიკე ოდიშარია  
ქვესადგურების ექსპლუატაციის უფროსი ინჟინერი

ნატო შენგელია  
ბიუჯეტურებისა და ანგარიშგების სამსახურის უფროსი სპეციალისტი

CAP 3.1/2497

შემსრულებელი: გიორგი გოგინაშვილი